

Headline	THT makin hampir		
MediaTitle	Harian Metro		
Date	22 Sep 2016	Language	Malay
Circulation	1,270,667	Readership	3,812,000
Section	Arena	Page No	76
ArticleSize	405 cm ²	Journalist	Saiful Affendy
PR Value	RM 47,864		




PEMAIN THT membuat hantaran bola di hadapan gawang pasukan Maybank pada perlawanan separuh akhir pertama Piala TNB.

THT makin hampir

Benam Maybank 6-1 pada aksi separuh akhir pertama

Saiful Affendy Sapran
saifulaffendy@hmetro.com.my

Kuala Lumpur

Tiket final Piala TNB hampir pasti menjadi milik Terengganu Hockey Team (THT) selepas juara bertahan itu meraih kemenangan selesa 6-1 ke atas Maybank pada aksi separuh akhir pertama semalam.

Meskipun meraih bekalan selesa menjelang aksi timbal balik esok, ketua jurulatih THT Sarjit Singh tetap bertegas barisan pemainnya perlu terus mengekalkan rentak konsisten itu.

"Kami baru saja melepasi halangan pertama dan masih ada satu lagi perlawanan Jumaat ini.

"Selagi saingan belum berakhir, bermakna kami juga belum boleh mengatakan sudah layak ke final. Jumaat ini penentu.

"Apapun, jumlah jaringan hari ini (semalam) sangat bagus. Setiap pemain beraksi dengan baik.

"Walaupun ketinggalan 0-1 di awal permainan, pemain saya bangkit untuk mencari kemenangan," katanya.

Berlangsung di Stadium Hoki Pantai, THT, bagaimanapun ketinggalan seawal minit ke-7 selepas pemain Maybank, Muhammad Firdaus Fauzi menjaringkan gol padang.

Begitupun penyerang THT, Ismail Abu menyamakan kedudukan pada minit ke-16 menerusi jaringan padang.

Pemain negara Faizal Saari menambah gol kedua minit ke-44 menerusi jaringan padang sebelum Ismail meledak gol ketiga pada minit ke-49.

THT kemudian memperolehi tiga gol pantas pada 10 minit terakhir menerusi pukulan sudut penalti tonggak import Jang Jonghyun pada minit ke-50 serta dua gol padang Faizal dan Muhammad Amirul Mirza Rozi masing-masing minit ke-53 dan 57.

Sementara itu, satu lagi aksi separuh akhir pertama menyaksikan Sapura menewaskan Kelab Hoki Kuala Lumpur (KLHC) 3-1.

"Selagi saingan belum berakhir, bermakna kami juga belum boleh mengatakan sudah layak ke final. Jumaat ini penentu Sarjit Singh